




ԷԿՈՒՄԵՆԻԿ

ԿՅԱՆՔ

ԵՎՐՈՊԱԿԱՆ ԵԿԵՂԵՑԻՆԵՐԻ ՀԱՄԱԺՈՂՈՎԻ ԸՆԴՀԱՆՈՒՐ ԲԱՐՏՈՒՂԱՐԸ ՀԱՅԱՍՏԱՆՈՒՄ

Սույն թվականի նոյեմբերի 26-ից մինչև դեկտեմբերի 9-ը Եվրոպական Եկեղեցիների Համաժողովի (ԵԵՀ) ընդհանուր քարտուղար Ժան Ֆիշերը գտնվում էր Սովետական Միությունում՝ այցելելու համար Համաժողովի անդամ ութ Եկեղեցիներին: Նա եղավ Մոսկվայում, Լենինգրադում, Հայաստանում, Վրաստանում և Մերձբալթյան երեք հանրապետություններում:

Վերջին տարիներին Եվրոպական Եկեղեցիների Համաժողովը մեծ աշխատանք է ծավալում միջեկեղեցական, էկումենիկ կյանքի աշխուժացման համար: Օժանդակում է քույր Եկեղեցիների փոխհարաբերությունների սերտացմանը: Այս իմաստով ահա կարևոր են մնան այցելությունները՝ տեղում ծանոթանալու համար անդամ Եկեղեցիների եկեղեցական կյանքին:

Տիար Ժան Ֆիշերը դեկտեմբերի 1-ին եղավ Մայր Աթոռ Ս. Էջմիածնում, ծանոթացավ Մայր տաճարի և Գանձատան մշակութային արժեքներին, հետաքրքրվեց հոգևոր ճեմարանի ուսումնական խնդիրներով, ԵԵՀ-ի անունից պատրաստակամություն հայտնեց օժանդակել հոգևոր ճեմա-

րանին՝ ուսման ընթացքը ավելի նպատակալաց և արդյունավետ դարձնելու համար:

Ժան Ֆիշերը դեկտեմբերի 3-ին եղավ նաև Արարատյան հայրապետական թեմի առաջնորդանիստ Ս. Սարգիս եկեղեցում, որտեղ հանդիպում ունեցավ առաջնորդական փոխանորդ Տ. Գաբեգին եպս. Ներսիսյանի հետ: Բարեկամական մթնոլորտում զրույց ծավալվեց քույր Եկեղեցիների փոխօգնության, եկեղեցական կյանքի մասին տեղեկությունների աշխույժ փոխանակման անհրաժեշտության մասին: Ընդգծվեց մանավանդ Եկեղեցիների դերը ժողովուրդների միջև բարեկամության և համաշխարհային խաղաղության համար մղված պայքարում:

Տիար Ֆիշերը Մայր Աթոռ հանձնեց ԵԵՀ-ի ուղերձը Գերագույնի՝ գլխավոր քարտուղար Գորբաչովի և պրեզիդենտ Ռեյգանի հանդիպման առիթով:

«Մենք ապրում ենք նախածննդյան հիսնյակի օրերը՝ խաղաղության հույսով և Տիրոջ թագավորության սպասումով: Այդ թա-

գավորության մեջ չի լինի ո՛չ պատերազմ, ո՛չ ատելություն, ո՛չ արտնդություն, այլ միայն խաղաղություն, սեր և արդարություն:

Մենք վկաներն ենք խաղաղության և ժողովուրդների միջև փոխըմբռնման մի մեծ հույսի ծնունդի: Միջին հեռահարության հրթիռների վերացման մասին համաձայնությունը մի առաջին քայլ է՝ վերացնելու համար զարհուրելի զինանոցները, որոնք սպառնում են մեր աշխարհին: Մենք հուսով ենք, որ զինաթափման այս դինամիկ շարժումը կաճի, և այդպիսով խնայվող միջոցները կդրվեն բոլոր ժողովուրդների կյանքի և զարգացման ծառայության մեջ:

Կարծում ենք, որ այս համաձայնությունը գործնական մի նշան է այն վստահության, որ կարող է և պետք է հաստատվի ժողովուրդների միջև:

Մենք աղոթում ենք դեկտեմբերի 7-ի հանդիպման համար և խնդրում Եվրոպայի Եկեղեցիներից ու քրիստոնյաներից՝ մըշտապես աղոթելու խաղաղության, արդարության և այն բանի համար, որ Աստուծո գեղեցիկ ստեղծագործությունը պահպանվի»:

Լեզինգհադ և Ժան,
1 դեկտեմբերի 1987 թ.

Տիար Ֆիշերը Հայաստանից մեկնեց՝ Հայ Եկեղեցու մասին խորացած ծանոթությամբ և այն հաստատ համոզումով, որ Քրիստոսի հնագույն Եկեղեցիներից մեկը՝ Հայաստանյայց Առաքելական Եկեղեցին, ինչպես իր ողջ պատմության ընթացքում, այնպես էլ հիմա հավատարիմ է քրիստոնեական պատգամին՝ «Յերկիր խաղաղություն և ի մարդիկ հաճութիւն»:

Հայաստանից վերադարձին Ժան Ֆիշերը Վեհափառ Հայրապետին հղեց հետևյալ շնորհակալական նամակը.

ՆՈՐԻՆ ՍՐԲՈՒԹՅՈՒՆ ՎԱԶԳԵՆ Ա.
ԿԱԹՈՂԻԿՈՍ ԱՄԵՆԱՅՆ ՀԱՅՈՑ

Ս. Էջմիածին

Ձերդ Սրբություն,

Սովետական Միությունից Ժան իմ վերադարձից անմիջապես հետո ծանրաբեռնվեցի գրասենյակային նյութերով, որոնք պահանջում էին շուտափույթ ուշադրություն, զբաղվեցի Տիեզերական Պատրիարք Նորին Սրբություն Դեմետրիոս Ա-ի Ժան այցելությամբ, ինչպես նաև ԵԲԽ-ի ֆինանսական կոմիտեի նիստերով: Այս բոլորը պատճառ եղան, որ միայն այսօր կարողացա գրել Ձեզ այս նամակը:

Ուզում եմ արտահայտել իմ խորին շնորհակալությունները Ձեզ և Հայաստանյայց Առաքելական Եկեղեցու բոլոր մարմիններին՝ իմ այցելության հետ կապված բոլոր կարգադրությունների համար: Ծառլավ փորձառություն էր իմ աշխատանքի համար, արդյունավետ և օգտակար: Խորապես գնահատում եմ նաև այն ժամանակը, որ Դուք անձնապես, Ձերդ Սրբություն, տրամադրեցիք ինձ:

Իմ այցելության ծրագիրը կազմված էր այնպես, որ ես, թեկուզ սահմանափակ ժամանակում, հնարավորություն ունենայի տեսնելու Սովետական Միությունում ԵԲԽ-ի անդամ Եկեղեցիների կյանքը իրենց իսկ միջավայրում: Այսպիսի շփումները համարում եմ ավելի քան արժեքավոր: Խորապես շնորհակալ եմ ազնվության համար այն մարդկանց, որոնք օգնեցին ինձ, և կուգենայի, որ իմ արտագին շնորհակալությունները հասնեին բոլորին Ձեր միջոցով:

Լավագույն մաղթանքներով ի Հիսուս Քրիստոս,

Սիրով Ձեր՝

ԺԱՆ ՖԻՇԵՐ

Ժան,
17 դեկտեմբերի 1987 թ.

